

**Ang Abot sa Yuta sa Canaan ug ang Tiunayng Kahulogan  
sa Pagpahat sa Maayong Yuta**

Basahong Kasulatan: Jos. 5:12; 13:1—22:34; Col. 1:12; Buh. 26:18

- I. Sa pagsulod sa mga anak sa Israel sa yuta sa Canaan, nihunong ang manna, apan nangaon sila sa abot sa yuta sa Canaan—Jos. 5:12:**
- A. Ang paghunong sa manna sa nagsugod nag kaon ang katawhan sa abot sa yuta nagpakita nga sumpay sa manna ang abot sa yuta.
  - B. Ang mannang gikaon sa Israel sa naglaag sila sa kamingawan (Exo. 16) nag-hulagway ni Cristo nga langitnong kalan-on nga laktod nga gihatag sa Dios sa piniling katawhan Niya, nga dili na hagoan pa sa mga mangangaon.
  - C. Ang dagayang abot sa gisaad nga yuta nga gihatag sa Dios sa Israel sa pagpa-kig-away nila sa Canaan naghulagway ni Cristo nga nahingpit nga sangkap sa kinabuhi nga gihatag sa mga magtutuo, nga nagkinahanglang mangabudlay gyod sila diha Niya—Deut. 8:7-10:
    - 1. Sama sa gipakita sa hulagway dinhi, sa maato na si Cristo nga yuta, mangabudlay gyod ta Kaniya aron dunay mapalugwa gikan Niya nga mahimong kalan-on kun sangkap nato.
    - 2. Sa mokaon ug magpahimulos ta ni Cristo nga abot sa maayong yuta, mau-molan ta Niya, masama ni Cristo sa kinabuhi, kinaiya, ug pagpadayag—Juan 6:57; Fil. 1:19-21.
    - 3. Sa kataposan, ang pagpahimulos nato ni Cristo nga atong panulundon, atong katigayonan, moumol nato nga panulundon sa Dios, bahandi ug katigayonan sa Dios—Efe. 1:11-14, 18; itandi sa Exo. 19:5.
  - D. Sa Egipto, sa kamingawan, ug sa maayong yuta, nasinati sa katawhan sa Israel ang tulo ka hugna sa pagkaon:
    - 1. Sa Egipto nangaon ang katawhan sa Israel sa cordero sa pasko—12:3, 8-9:
      - a. Maingon nga kan-on ang sinugba nga unod sa cordero sa pasko aron ma-sangkapan sila sa kinabuhi, mokaon sab gyod ta ni Cristo aron masang-kapan ta sa kinabuhi—vv. 8-10; Juan 6:53, 55-57:
        - (1) Aron masulbad ang problema sa pagkahulog sa tawo ug matuman ang tuyo sa Dios sa sinugdan, gikinahanglan ang kinabuhi ug pagtubos.
        - (2) Ang balaodnong katubsanan pinaagi sa dugo ni Cristo maoy pamaagi nga makab-ot ang tumong sa Dios nga ipaambit si Cristo nga kinabuhi nganhi nato aron organico tang maluwas—Rom. 5:10.
      - b. Kan-on gyod sa mga anak sa Israel ang cordero sa pasko lakip ang ulo, mga bitiis, ug mga ginhawaan niini—Exo. 12:9:
        - (1) Nagtimaan ang ulo sa kaalam, nagtimaan ang mga bitiis sa kalihokan ug buhat, ug nagtimaan ang mga ginhawaan sa mga bahin sa sulod sa pagkamao ni Cristo, nga naglakip sa Iyang salabotan, pagbati, pagbuot, ug kasingkasing ug sa tanang kagamitan niini.
        - (2) Ang pagkaon sa cordero sa pasko lakip na sa ulo, mga bitiis, ug mga ginhawaan nagtimaan sa pagkaon kang Cristo sa kinatibuk-an gyod Niya, sa kaalam, kalihokan ug buhat, ug mga bahin Niya sa sulod—Juan 6:57; 1 Cor. 1:24; Bug. 14:4; Fil. 1:8.
    - 2. Sa kamingawan nangaon ang katawhan sa Israel sa manna—Exo. 16:14-16, 31; Num. 11:7:

- a. Sa paghatag sa Iyang katawhan og manna nga makaon, gipakita sa Dios nga tuyo Niya nga usbon ang ilang pagkaumol pinaagi sa pag-usab sa ilang pagkaon—Exo. 16:14-15:
  - (1) Sa ngalan dili Egiptohanon ang mga anak sa Israel, apan sa kinaiya ug pagkaumol dili gyod sila lahi sa mga Egiptohanon—v. 3.
  - (2) Ang Egiptohanong pagkaon nagpasabot sa tanang butang nga gitinguha natong kan-on aron matagbaw ta—Num. 11:4-6.
- b. Buot sa Dios nga kalimtan sa Iyang tinubos nga katawhan ang Egiptohanong pagkaon ug mokaon sa langitnong kalan-on—Deut. 8:3:
  - (1) Labi tang mokaon sa manna, labi sab tang motakdo sa Dios, mausa Niya, ug magkinabuhi ug maggawi uyon sa pagkamao Niya.
  - (2) Ang labing makatabang nato sa adlaw-adlawng pagkinabuhi nato uban sa Ginoo pagkaon man nato ni Cristo nga langitnong kalan-on; sa pagkaon nato ni Cristo, mahimo tang Cristo; sa ato pa, mahimong bahing inug-umol nato si Cristo—Juan 6:56-58.
3. Sa Canaan nangaon ang katawhan sa Israel sa abot sa maayong yuta—Jos. 5:11-12:
  - a. Sa ikatulong hugna sa pagkaon, nangaon sila sa dagayang abot sa maayong yuta, nga labi pa gyong niu mol nila aron mahimo silang madaogong katawhan.
  - b. Ang maayong yuta, yuta sa trigo, cebada, mga paras, mga kahoyng higera, mga granada, mga kahoyng olivo nga dunay lana, ug dugos, nga naghulagway tanan sa dili matugkad nga kadato ni Cristo—Deut. 8:8; Efe. 3:8.
  - c. Sa pagpahimulos nila sa kadagaya sa maayong yuta, nabuntog sa katawhan sa Israel ang mga banay sa yuta, naestablisar ang gingharian sa Dios, ug natukod ang templo nga puluy-anan sa Dios dinhi sa yuta—Jos. 5:11-12.
4. Kining tulo ka hugna naghulagway sa tulo ka hugna sa pagpahimulos sa mga magtutuo ni Cristo sa pagkaon nila Kaniya—Juan 6:51-57; 1 Cor. 5:7-8; 10:3-4; Fil. 1:19:
  - a. Sa pagkaon nila sa unang duha ka hugna, nalagsik ang mga magtutuo aron mobiya sa kalibotan ug maumolan ni Cristo nga langitnong elemento—Juan 6:51-57; 1 Cor. 5:7-8; 10:3-4.
  - b. Aron makab-ot ang tumong sa pamatigayon sa Dios, mouswag gyod ta hangtod makasulod ta sa kinahabogang hugna sa pagkaon kang Cristo nga dagayang abot sa maayong yuta, aron makadaog ta sa espirituhanong mga kaaway, matukod nga puluy-anan sa Dios, ug mag-establisar sa gingharian sa Dios dinhi sa yuta.
  - c. Sa pagkaon nato ni Cristo nga abot sa maayong yuta, maumol ta Kaniya ug masama ni Cristo sa kinabuhi, kinaiya, ug pagpadayag aron matukod ang iglesia nga Lawas ni Cristo—Efe. 4:16.

**II. Ang tiunayng kahulogan sa pagpahat sa maayong yuta mao nga kitang mga nanag-iya sa yuta nakasinati sa usang Cristo sa nagkalainlaing paagi—Jos. 13:1—22:34:**

- A. Sulod sa pamatigayon sa Dios naa kanang ginganlag pagpahat sa yuta—Col. 1:12.
- B. Sa napanag-iya na ni Josue ang yuta, gisugo siya sa Dios sa pagpahat sa yutang napanag-iya na ug bisan sa yutang wala pa mapanag-iya, kay sa panan-aw sa Dios alang man sa Israel ang tibuok yuta—Jos. 13:6:

1. Sa kaalam sa Dios, wala Niya itibuok og pahat ang maayong yuta sa tanang anak sa Israel; gipahat hinuon Niya ang yuta, sa ato pa, si Cristo, sa nagkalainlaing banay—v. 7.
  2. Kay managlahi man ang mga banay, dili mahimong ihatag sa Dios ang maorang yuta sa maorang paagi sa matag banay.
  3. Mga tag-iya sa yuta ang tanang banay, apan napanag-iya sa mga banay ang ilahang mga pahat sa yuta sumala sa ilang pagkamao—14:6-15; 18:1—19:27.
  4. Naa nato karon ang katumanan ning hulagway sa pagpahat sa yuta—Col. 1:12:
    - a. Pareho ra nga Cristo ang naa natong tanan, apan nasinati nato Siya sa nagkalainlaing paagi—1 Cor. 1:2.
    - b. Sumala sa pagkamao nato ang yuta (si Cristo) nga napanag-iya nato—Rom. 12:3; Efe. 4:7.
- C. Sa Colosas 1:12 gigamit ni Pablo ang hunahuna sa malangkobon-sa-tanan nga yuta, namulong kalabot sa “pahat nga giapod-apod sa mga balaan”:
1. Ang Griyegong pulong nga gihubad og “pahat” mahubad sab og “lote,” nga nagpasabot sa giapod-apod.
  2. Sa pagsulat ni Pablo sa Sulat ngadto sa taga-Colosas, naghunahuna siya sa hulagway sa pagpahat sa maayong yuta ngadto sa mga anak sa Israel; gigamit niya ang pulong *pahat* nga ang rekord sa yuta sa Daang Tugon maoy nagpaluyong kahintang—Jos. 14:2:
    - a. Sa Colosas gipadayag si Cristo isip atong pahat, atong lote—1:15-19; 2:6-15.
    - b. Maingon nga ang yuta sa Canaan maoy tanan sa mga anak sa Israel, si Cristo, nga realidad sa hulagway sa maayong yuta, maoy tanan kanato—1:12.
  3. Si Cristo nga una-sa-tanan ug malangkobon-sa-tanan maoy pahat nga giapod-apod sa mga balaan—v. 12.
  4. Ang pahat nga giapod-apod sa mga magtutuo sa Bag-ong Tugon dili materyal nga yuta; si Cristo kini nga malangkobon-sa-tanan nga maoy ang Espiritung taghatag-og-kinabuhi—2:6-7; Gal. 3:14:
    - a. Ang kadagaya sa maayong yuta naghulagway sa dili matugkad nga kadato ni Cristo sa nagkalainlaing aspeto isip madagayaong sangkap sa Iyang mga magtutuo diha sa Iyang Espiritu—Deut. 8:7-10; Efe. 3:8; Fil. 1:19.
    - b. Sa pagpahimulos nila sa kadagaya sa yuta, matukod ang mga magtutuo ni Cristo aron mahimong Lawas Niya nga balay sa Dios ug gingharian sa Dios—Efe. 1:22-23; 2:21-22; 1 Tim. 3:15; Mat. 16:18-19; Rom. 14:17.
- D. Sa Mga Buhat 26:18 gihisgotan ni Pablo ang malangkobon-sa-tanan nga Cristo nga panulundon nato:
1. Isip resulta sa pagkaabli sa atong mga mata ug pagkabalhin nato gikan sa pagbulot-an ni Satanas ngadto sa Dios, dili lang nga gipasaylo ang atong mga sala, kondili nadawat sab nato ang diosnong panulundon.
  2. Kining panulundona maoy ang Tulo-usang Dios mismo ug ang tanang nabatonan, nabuhat, ug buhaton pa Niya alang sa tinubos nga katawhan Niya; gipakalawas kining Tulo-usang Dios diha ni Cristo nga malangkobon-sa-tanan, nga maoy ang pahat nga giapod-apod sa mga balaan ingon nga ilang panulundon—Col. 2:9.
  3. Ang maayong yuta tinuod gyong hulagway sa malangkobon-sa-tanan nga Cristo, nga pagkalawas sa nahikay ug nahingpit nga Tulo-usang Dios, nga gihatag na kanato ingon nga atong panulundon—1:12.